

¿Jabesate?

Jume täye entok tukapo bäséebolim entok kuta muelam uka nawropotiria che musóalamachikte jowa yoreriam nasuku itom takawa kobapo, tawpo entok topapo aw naikimtela naikimte massak bewa ilichi itom pattiala.

Itapo bäséebolim itom masa beapote ka yokiak itom yokia tä utteramek itom beat berokosi bittu itom nas néeyeya. ¿Katée a júneriai?

Kette lepidoptéromme taayawa, itom massam ile beakabéchéibo itapo jume bäséebolim jowniakachamte yun itom jiyokiam béchéibo tawarimmette neneye, itom takawa wiluxko itom baruan entok wewepulai, jume kutamuelam entokte jusatannay tukapote neneyé, awikte takawak, itom baruam entok sankittoai.

Bäséebolim entok kuta muelam

¿Jaikisate?

156,500 síme aniachi.
14,380 itom Mejiko buiapo.
3,590 itom Mejiko buiapo jome.

¿Jaksute jouwak?

Yun joaranasukte jiabsa entok sèpáarrampo, tattaranasuka wate entokte ka tua tattaku entok ka tua sebepo jiabsa ju bäséeboli yowe mekka natekate yew yayaja, ringojuou nateka Mejiko nasuk bulau kamtite neneye, bäséebolim jaseu taxti, nobiembret nateka marsou taxti, wanati juchi notnotte ringo joau bicha.

"Táabuikuni bäséeboli".

¿Jachisute jiabsa?

Itome bitla sewammet itom jeoko o itom koweyo pariammechi o bawenmecho te ukate beja jojonak júubua jojowa ¿Júubua yoyyotukte jitasu jowa? ¿Enchite teswanake?

Itom ayeriam túulisi a suayaka jak kakaba, bem wokimmeyim jume juyam yew puppua, bueitukte imi júbua, tawarimmette imi itoeria juya sawamechi itom ayem itom kabalapo.


Itom kabapote nabolintakateyew pexpekte uka kaba beata buayeka chubalasute yoyotu, itom beatate wowotia bausi junne wanaite bejate ka jijibua tólisite ito pappattia wanayte itom biata jojowa itom suayanakenta.

Tenabaripote kachin aneka jiabsa, ka jibuaka entok cháakari, imite saamsi jiabsajiobe teete ka naksi nayote ju takawa tebe bäséeboli takawa wilokosi awjowa, woyim masaka entok uxyolim yokiaka.

Tawarimpote itom tenabarim pexpextia, cholebelamte masaka yewsasaka laulautite ito yóoka ju oxbo itom masammet nábuibuité, bueresite am eetapo, am rutukte wanay atla **ININAKE!** yoyyowembenasi, sewampote jibua, juyam kawpo entok nabolim buitampo wikichimneu ito suyakate sawampo antok sewampo itom yokiam benasipote ito eewsatua, wate entokte juyo oistate ama chuneka ai ito jineu.

¿Jachise ara itom ania?

Jume itom jauwey katriam juya aniachim susuay a yóoreka, bem sotóorimechim entok be jikriammechim itomim yoyokai empo ket jiyokia jiyolim bitla bäséebolim anepo yokiatate am makka, jiyoliriata, atlewamta, juya aniatameke túulisi jiabseka itom ania.



¿Jita túwamtasute jowa?

Wikichim itom buayeka jiabsa, batáachim, sochikim turusim. Sewam chunetekte wate sewam kawatate amet kikkima wanaim ama yootunake jume táakam entok bachiam, wami entok wate juyam yewyoyotu Mejiko burampo samilim ane kü buichiam buayeka imee b" séebolim asólamme ku nawampo yóotulame.